

# Sa Plano sa Langitnong Amahan, Ang mga Babaye ug mga Lalaki Parehong Mahinungdanon

MANWAL SA SEMINARY ALANG SA BAG-ONG TUGON

Pagpili og usa sa mosunod nga mga senaryo, ug paghunahuna mahitungod kon sa unsang paagi nga ang paggamit sa mga baroganan sa pag-angkon og espirituhanong kahibalo makatabang sa usa ka tawo nga makasabot sa kamatuoran gikan sa 1 Mga Taga-Corinto 11:11 mahitungod sa mga tahas sa mga lalaki ug mga babaye sa plano sa Langitnong Amahan.

1. Ang manghod nga babaye ni Kalee nga si Elle nakadungog sa pipila sa mga lalaki sa tulunghaan nga nagsulti nga ang mga lalaki mas importante kaysa mga babaye. Si Elle nangutana kang Kalee, “Dili ba ako bililhon sama sa mga lalaki?”
2. Si Reid nabalaka tungod kay siya nakadungog sa pipila sa iyang kaubang mga miyembro sa korum nga nagsulti nga walay pagtahod mahitungod sa mga babaye.
3. Human makatan-aw og usa ka ilado nga salida, usa ka grupo sa mga higala nagbugal-bugal sa kataw-anan nga mga aksyon sa karakter sa amahan. Ang pipila miuyon nga ang amahan wala gikinahanglan, ug usa ka higala mipahayag, “Kini mao ang hinungdan nga dili nimo kinahanglan ang usa ka lalaki aron mapadako ang usa ka malipayon nga pamilya.”
4. Sila si Esteban ug si Klara nag-andam nga kaslon sa templo. Ang ilang mga ginikanan nagsugyot nga sila mag-istorya mahitungod kon unsaon sa matag usa pagtuman sa lainlaing mga tahas ug mga responsibilidad sa ilang umaabot nga pamilya.

## Molihok diha sa Hugot nga Pagtuo

- Unsa ang mga paagi nga ikaw o ang indibidwal sa senaryo mahimong makalihok inubanan sa hugot nga pagtuo agig tubag sa isyu nga gipasaka?
- Sa unsang paagi nga ang paghatag og bili sa talagsaon ug importanteng mga tahas sa mga babaye ug mga lalaki nakatabang kanimo sa pagsunod kang Jesukristo?

## Susiha ang mga konsepto ug mga pangutana inubanan sa mahangtorong panglantaw

- Unsa ang imong nasayran mahitungod sa Langitnong Amahan ug sa Iyang plano nga mahimong makatabang kon ikaw makahinagbo og usa ka sitwasyon nga sama niini?
- Unsa ang pipila sa mga tahas sa mga lalaki ug mga babaye sa plano sa Langitnong Amahan?

## Tinguhaa ang dugang nga impormasyon pinaagi sa balaanong gipili nga mga tinubdan

- Sa unsang paagi nga inyong pagsabot ug pagmatuod sa mga kamatuoran nga gitudlo sa 1 Mga Taga-Corinto 11:11 nakatabang kaninyo sa pagtubag niini nga sitwasyon?
- Unsa ang lain pang dinasig nga mga pagtulun-an gikan sa mga kasulatan o sa mga lider sa Simbahan ang mahimong makatabang kaninyo aron matinud-anong mutubag?